

宜城縣志

地260.49

38.1

115

第五冊

卷七

耆舊志

卷八

列女志

宜城縣志卷之七

耆舊志

王阮亭謂宜城山川頑劣而多產才士豈知地以人重人傑則地自靈哉今考列傳諸公文章事業彪炳史冊誠足焜耀邦家其一詣造極亦鄉黨楷模也爰詳芳躅用示景行有志之士尙如文信國少時見學宮所祀鄉先生而思俎豆其間也乎至名流鴻漸羽可為儀者尤宜并臚以繫高山之慕列傳

周伯嘉羅大夫杜伐絞之役楚師分涉於彭羅人欲伐

宜城縣志

卷七

耆舊志

之使伯嘉謀之三巡數之左傳

觀丁父都俘也武王以為軍率克州蓼服隨唐大啟羣

蠻左傳

其後曰瞻者楚惠王使卜子國為令尹吉子

國後果有功舊志

觀射父鄔人譙昭王問曰周書所謂重黎實使天地不

通者何也對曰昔顓頊命南正重司天以屬神命火

正黎司地以屬民使復舊常無相侵瀆是謂絕地天

通子期祀平王祭以牛俎於王王問於觀射父曰祀

牲何及對曰祀加以舉天子舉以大牢祀以會諸侯

舉以特牛祀以大牢卿舉以少牢祀以特牛大夫舉



以特牲祀以少牢士食魚炙祀以特牲庶人食菜祀以魚上下有序民則不慢王曰祀不可以已乎對曰祀所以昭孝息民撫國家定百姓也不可以已王曰所謂一純二精七事者何也對曰聖王正端冕以其不違心帥其羣臣精物以臨監享祀無有苛慝於神者謂之一純玉帛爲二精天地民及四時之務爲七事王曰三事者何也對曰天事武地事文民事忠信王孫圉對趙簡子曰楚之所寶者曰觀射父能作訓辭以行事於諸侯使無以寡君爲口實

楚語

屈廬鄢人譙白公勝將弑楚惠王王出亡令尹司馬皆

宜城縣志

卷七

考舊志

二

死拔劍而屬之於屈廬曰子與我將舍子子不與我必殺子廬曰吾聞子殺叔父而求福於廬也可乎知命之士見利不動臨死不恐若人臣者時生則生時死則死是謂人臣之禮故上知天命下知臣道其有可劫乎子胡不推之白公勝乃內其劍

新序

按舊志載有鄢人熊宜僚蓋據史記白公勝居楚邊邑鄢初爲亂欲得市南勇士熊宜僚語遂誤僚爲邑人考徐廣注鄢乃潁川鄢陵音鄢爲前漢鄢城後漢分置褒信縣遺有白亭故址則勝所稱市南乃鄢縣市南非鄢都之市南矣故從府志削去

莊善鄢人譴白公之難楚人有莊善者辭其母將往死之其母曰棄其親而死其君可謂義乎莊善曰吾聞事君者內其祿而外其身今所以養母者君之祿也身安得無死乎遂辭而行比至公門三廢車中其僕曰子懼矣曰懼既懼何不返莊善曰懼者吾私也死義吾公也聞君子不以私害公及公門刎頸而死君子曰好義乎哉新序

宋玉楚鄢人也屈原弟子雋才辨給善屬文為楚大夫閔其師屈原忠而放逐乃作九辯以述志唐勒讒之

宜城縣志

卷七

耆舊志

三

於襄王復著賦以自見後世脩辭者稱之湖北通志

魏黃尚字伯河邠人順帝陽嘉三年為司徒見後漢書順帝紀注

少歷顯位以政事稱永和元年與司隸校尉周舉太常桓焉同詣顯親殿議北鄉侯不宜稱謚帝從之觀

漢書周舉傳

王逸字叔師南郡宜城人也元初中舉上計吏為校書郎順帝時為侍中著楚辭章句行於世其賦誄書論及雜文凡二十一篇又作漢詩百二十三篇子延壽字文考有雋才少遊魯國作靈光殿賦後蔡邕亦造此賦未成及見延壽所為甚奇之遂輟翰而已曾有

異夢意惡之廼作夢賦以自厲後溺水死時年二十餘後漢書文苑傳

秦頡郡人也以江夏都尉出為南陽太守水經中平元

年三月黃巾張曼成攻殺郡守褚貢六月南陽太守

秦頡擊張曼成斬之三年二月江夏兵趙慈反殺南

陽太守秦頡後漢書靈帝紀

舊志載頡人流寓按當時郡與宜城並立後郡廢

今縣之南境皆郡故地宜入耆舊為正

難馬良字季常襄陽宜城人也兄弟五人並有才名鄉

里為之諺曰馬氏五常白眉最良良眉中有白毛故

宜城縣志

卷七

耆舊志

四

以稱之先主領荊州辟為從事及先主人蜀諸葛亮

亦從後往良留荊州與亮書曰聞雒城已拔此天祚

也尊兄應期贊世配業光國魄兆見矣夫變用雅慮

審貴垂明於以簡才宜適其時若乃和光悅遠邁德

天壤使時閑於聽世服於道齊高妙之旨止鄭衛之

聲竝利於事無相奪倫此乃管絃之至牙曠之調也

雖非鍾期敢不擊節先主辟良為左將軍掾後遣使

吳良謂亮曰今銜國命協穆二家幸為良介於孫將

軍亮曰君試自為文良即為草曰寡君遣掾馬良通

聘繼好以紹昆吾丕韋之勳其人吉士荆楚之令鮮

於造次之華而有克終之美願降心存納以慰將命
權敬待之先主稱尊號以良為侍中及東征吳遣良
入武陵招納五溪蠻夷蠻夷渠帥皆受印號咸如意
指會先主敗績於夷陵良亦遇害先主拜良子秉為
騎都尉良弟諤字幼常以荊州從事隨先主入蜀除
綿竹成都合越雋太守才器過人好論軍計丞相諸
葛亮深加器異先主臨薨謂亮曰馬諤言過其實不
可大用君其察之亮猶不然以諤為參軍每引見談
論自晝達夜襲揚黜詔建興三年亮征南中諤送之
嘖嘖嘖對嘖南嘖仲嘖特嘖其嘖險嘖阻嘖伐嘖服嘖軌嘖矣嘖賊嘖彼嘖知嘖誠嘖勢

宜城縣志

卷七

著舊志

五

內虛其板亦速若殄盡臆類以避後患既非仁者之
情且又不敏亦速若殄盡臆類以避後患既非仁者之
下下心下戰下為下肚下兵下戰下為下終下願下公下服下其下心下而下已下亮下納下其下策
建興六年亮出軍向祁山時有宿將魏延吳壹等論
者皆言以為宜合為先鋒而亮違眾拔諤統大眾在
前與魏將張郃戰於街亭為郃所破士卒離散亮進
無所據退軍還漢中諤下獄物故亮為之流涕良死
時年三十六諤年三十九蜀書

向朗字巨達襄陽宜城人也襲襲揚襲黜襲詔襲日襲朗襲少襲師襲事襲司襲馬

定江南使朗督秭歸夷道巫山夷陵四縣軍民事蜀
魁魁說魁皆魁荆魁州魁牧魁劉魁表魁以魁為魁臨魁沮魁長魁表魁卒魁歸魁先魁主魁先魁主

既平以朗爲巴西太守頃之轉任牂牁又徙房陵後
主踐祚爲步兵校尉代王連領丞相長史丞相亮南
征留朗統後事五年隨亮漢中朗素與馬謖善謖逃
亡朗知情不舉亮恨之免官還成都數年爲光祿勳
亮卒後徙左將軍追論舊功封顯明亭侯位特進初
朗少時雖涉獵文學然不治素檢以吏能見稱自去
長史優游無事垂三十年乃更潛心典籍孜孜不倦
年踰八十猶手自校書刊定謬誤積聚篇卷於時最
多開門接賓誘納後進但講論古義不干時事以是
見稱上自執政下及童冠皆敬重焉延熙十年卒子

宜城縣志

卷七

著世晉志

六

條嗣景耀中爲御史中丞

襄陽記條字文豹亦博學多識人晉爲江陽太守南

神驛朗兄子寵先主時爲牙門將裨歸之敗寵營特
完建興元年封都亭侯後爲中部督典宿衛兵諸葛
亮當北行表與後主曰將軍向寵性行淑均曉暢軍
事試用於昔先帝稱之曰能是以衆論舉寵爲督愚
以爲營中之事悉以咨之必能使行陣和睦優劣得
所也遷中領軍延熙三年征漢嘉蠻夷遇害寵弟充
歷射聲校尉尚書蜀志亮初亡所在各求爲立廟朝議
以禮秩不聽百姓遂因時節私祭之於道陌上言事
者或以爲可聽立廟於成都者後主不從步兵校尉

習隆中書郎向充等共上表曰臣聞周人懷召伯之德甘棠爲之不伐越王思范蠡之功鑄金以存其像自漢興已來小善小德而圖形立廟者多矣况亮德範遐邇勳蓋季世興王室之不壞實斯人是賴而然嘗止於私門廟像闕而莫立使百姓巷祭戎夷野祀非所以存德念功述追在昔者也今若盡順民心則瀆而無典建之京師又備宗廟此聖懷所以惟疑也臣愚以爲宜因近其墓立之於沔陽使所親屬以時賜祭凡其臣故吏欲奉祠者皆限至廟斷其私祀以崇正禮於是始從之襄陽記

宜城縣志

卷七

耆舊志

七

殷觀字孔休宜城人魏吳主權遣使云欲共取蜀或以爲宜報聽許吳終不能越荆有蜀蜀地可爲已有荆州主簿殷觀進曰若爲吳先驅進未能克蜀退爲吳所乘即事去矣今但可然贊其伐蜀而自說新據諸郡未可興動吳必不敢越我而獨取蜀如此進退之計可以收吳蜀之利先主從之權果輟計遷觀爲別駕從事蜀志先主傳

唐柳渾字夷曠本名載梁僕射惔六世孫後籍襄陽之宜城父慶休渤海丞早卒渾志學棲貧天寶初擢第調單父尉至德中江西採訪皇甫侁表爲判官棄去

隱武甯山召拜監察御史性喜放曠不樂檢局屢求
外補宰相惜其才留爲左補闕大厯初除殿中侍御
史知江西租庸院事有僧失火歸罪守奴獄具白其
寃觀察魏少游訊謝由是知名路嗣恭奏爲團練副
使俄拜袁州刺史崔祐甫薦爲諫議大夫兩浙黜陟
使人爲尙書右丞朱泚亂匿終南山賊聞其名榜子
搜索漸糖其渾羸服奔行在改右散騎常侍賊
平上爲更今名貞元二年遷兵部侍郎封宜城縣伯
明年用韓滉薦以本官同中書門下平章事仍判門
下省諫帝親擇吏宰畿邑謂陛下惟當擇宰臣以輔
聖德臣當選京兆尹以承大化尹當求合長以親細
事代尹擇合非陛下所宜帝然之玉工作帶誤毀一
銖私市玉足之帝識不類詔京兆論死渾據律法誤
傷乘輿罷服罪當杖工得不死左丞田季羔從子伯
疆請貨隋時舊第助討吐蕃渾奏討賊自有國計若
先朝名臣世表節孝豈容不肖子毀門闕損風教哉
請示薄責懲沮帝嘉納時滉入朝輒於省中榜吏至
死渾讓以省闈非刑人地公奈何顯立威福豈尊主
卑臣義耶滉悔悟稍褫其威會除白志貞浙西觀察
使渾移疾不奉詔付外施行疾間乞骸不許嘗擬選

官憫四方士千里辭家干祿主辦小邑豈慮不能是
歲無退異者素能料事未然先度李元平必敗果然
及吐蕃會盟平涼渾奏盟詛之興皆在末季今盛朝
反行於吐蕃恐吐蕃人面獸心難以信結臣竊憂之
李晟曰誠如渾言俄得韓游瓌飛奏帝大驚夜半以
表示渾曰卿儒生乃知軍戎萬里情乎益禮異之與
張延賞同列延賞怙權矜已嫉渾守正遣親厚謂曰
明公舊德第慎其言位可長久渾令謝張公渾頭可
斷舌不可禁遂爲所擠罷爲右散騎常侍素能警辯
好談謔與人交意向豁如然性儉樸多質直少威儀

宜城縣志

卷七

耆舊志

九

不營產利卒年七十五有文集十卷諡曰貞兄識字
方明篤意文學與蕭穎士元德秀劉迅齊名而練理
創端往往詣極雖趣尚非博當時作者伏其簡拔渾
亦善屬文但沈思不逮於識

宏簡錄

王仕源襄陽處士天寶元年詔號亢桑子爲洞靈真經
而亢桑子求之不獲仕源謂莊子作庚桑子太史公
列子作亢倉子其實一也取諸子文義類者補其亡
爲二卷

唐書藝文志

藻思清遠深鑒文理所撰孟浩然詩

序其文清綺似魏晉間人宜產也

阮野調

段成式字柯古推蔭爲校書郎博學疆記多奇篇秘籍

侍父於蜀以畋獵自放文昌遣吏白其意諫止明日以雉兔徧遺幕府人爲書因所獲儷前世事無複用者衆大驚擢累尙書郎爲吉州刺史終太常少卿著西陽書數十篇子安節乾寧中爲國子司業善樂律能自度曲云嬾媿儻

明邱瑜字德如宜城人天啓五年進士簡庶吉士授檢討崇禎中屢遷少詹事襄陽陷瑜亟上恤難宗擇才吏旌死節停催征蘇郵困禁勞役六事帝採納焉歷禮部左右侍郎因召對言督師孫傳庭出關安危所係慎勿促之輕出俾鎮定關中猶可號召諸將相機

宜城縣志

卷七

耆舊志

十

進討帝不能從十七年正月以本官兼東閣大學士與范景文同入閣都城陷爲賊所執被害父民忠字天葵李自成陷宜城罵賊而死明史

邱之陶瑜次子年少有器畧自成陷宜城之陶被獲愛其才用爲兵政府從事擢爲本府侍郎守襄陽委以留務襄陽尹牛佺賊相金星子其倚任不如也之陶欲訣賊以蠟丸貽孫傳庭曰督師與之戰吾詭言左營兵大至搖其心彼必返顧督師擊其後吾從中起賊可滅也傳庭大喜報書如其言書爲賊邏者所得傳庭恃內應連營前自成以羸弱誘之之陶果舉火

報左兵大至自成驗得其詐召而示傳庭書責以負
已之陶大罵曰吾恨不斬汝萬段豈從汝反耶竟支
解而死明史

政蹟

明鍾亮字明遠邑北陽村人洪武甲戌進士授館陶縣
知縣著有惠政歷鹽運司副使府志

周鼎字廷器成化時歲貢生家居謹厚任鞏縣令清廉
愛民鞏民懷之沒世不忘鞏志

王麒字子仁其先江西安福人父澄徙居宜城嘉靖庚
子麒領鄉薦初理臨江不私故人擢守霸州忤權貴

宜城縣志

卷七

耆舊志

十一

罷官一意教子不輟課業長子冲以歲貢司鐸大甯
次子凝由進士官至兵部右侍郎三子兆舉人官汝
甯別駕麒及父澄俱膺凝封贈長孫襪少孫裸俱承
廕叙鞏帶濟濟襄郡薦紳稱王爲最汪伯玉作貢于
堂記以美之舊志

胡振佩字朝欽隆慶時歲貢生任雲南參軍剛方尚氣
節事關邑利害必正色爭於當事不少顧忌士論
王凝字道甫王麒次子嘉靖壬子鄉試第一丙辰成進
士授禮部主事充裕府講讀正色進規穆宗每優容
之巡撫雲南綏定民苗邊境晏然滇人方之三原王

公恕臨終屬諸子曰非三十年論定不得輒與鄉賢
胡價字玉吾胡振環子嗣兄振佩後嘉靖壬戌進士恩
大理寺少卿遇覃恩奏請賜封本生父母及振環卒
復請終制均特詔許之著為令遷刑部右侍郎舊志
劉鎬字曰都萬曆壬子舉人天啓壬戌成進士十年宵
旦讀書無餘時暇豫有真孝廉聲初令永城負性露
才左遷檢校尋歷崇文稅關管新餉持清介無愧四
知兵備易州人稱其能擲一壁巡撫甘肅為國計安
危有事若無事蘊隆裕若一時罕匹縣舊志

國朝王鼎彙字玉調順治丙戌舉人博物洽聞任雄縣令

宜城縣志

卷七

耆舊志

十一

政在愛民典試一次門下多植桃李後引年乞休雄
縣人立生祠祀之舊志

關甯字幼安號龍澗居木香村段成式別業撰段園詩
文及木香吟由拔貢筮仕洛陽廉能稱職遷廣西平
樂別駕甫任三月吳三桂寇粵強授偽官不從逃隱
山中聞穆將軍至乃投見因致仕歸康熙二十二年

佐邑令胡永慶纂脩縣志舊志

王金字礪汝邑歲貢由訓導陞理藩院知事盡心供職

七十八歲卒於官府志

尙其志號峴南孝子尙履亨子也工制藝詩古文辭饒

經濟以拔貢任安徽婺源縣丞署縣篆久雨害稼米
值騰貴婺富民擁粟射利其志勸諭平糴民困以蘇
尋因病假休致婺人著致政紀畧書頌之康熙二十
二年佐邑令胡永慶纂修縣志子爾極拔貢任山西
潞城令有聲孫昱鑲白旗教習府志

李明英字彙光原籍豐城明季隨任之襄因家於宜順
治甲午貢生初爲黃岡訓導旋遷宜章所著指南集
行於世御史李按楚中保薦知廣東樂昌縣事邑當
孔道下車之始差役不煩催科不擾興學校勸農桑
士民誦之年值侵荒捐俸賑民不動公帑上憲嘉其

宣城縣志

卷七

耆舊志

三

廉能甫舉卓異卒於官

舊志

邱天民字次衡明相瑜第五世孫由拔貢歷知山東陽
信滕縣事多善政若編保甲闢邪教畫區田課農桑
禁香會惡習舉鄉飲冠禮興學勸善諸務無不實心
施設陽信滕縣士民集齊魯謳吟頌之官陽信時有
老瓜賊踪跡詭秘天民訪獲渠魁研訊夥黨擒二十
四人伏法並發覺鄰省晉豫幽燕盜案清理積年冤
骸循良稱最兩膺卓薦後以賢能見嫉當事去任解
組之日士民夾道攀轅泣餞如赤子失父母乾隆丁
卯遴選廢員起用天民奉檄至京卒於京邸

府志

劉岱由拔貢官南城兵馬司歷鎮甯州知州衢州府通判海陞江甯府知府本經術飾吏治所在著績後致政歸家徒壁立而揮霍灑如悠然自適人高其恬退採訪記

周名炎字燮甫邑龔家腦人生而穎悟九歲能屬文舉乾隆庚辰科鄉試補江陵縣訓導江陵爲西南要衝時金川用兵當事廉其才軍機皆資籌畫以薦授雲南楚雄縣知縣下車即築龍川江堤發粟賑貧制府嘉其撫綏有方以真縣尹日之乃益興學校課農桑境內大治且勤敏寬平引經折獄案無留牘公餘則

宜城縣志

卷七

耆舊志

十四

手一編以自娛旋敷歷鎮雄等州府皆悉心任事惠澤覃敷而盤錯歷試才猷愈宏如署雷益州則調劑夫馬鹽飭之平官民稱便權曲靖府遇民有激變者則不事刑威而梗頑悉化旋以靖變功陞武定州適騰越夷人讐殺土司勢殊阨隍乃移署騰越至則面授方畧事隨底定旋又署曲靖府撫字愈切並於所屬三道箚之盜藪多方捕治根株悉拔凡此皆他人所棘手而獨從容措理者至若緬甸構兵邊夷妄請鉛藥軍器則宜

天威以却之尤其洞識大體者既而巡撫初彭齡以老成

練達才守兼優薦遷擢有日矣遽遭知止戒引疾歸里日課子孫經義暇則焚香讀易若未嘗任顯宦者又常以敦睦宗族周卹里黨爲汲汲蓋其仁厚之性老而彌篤如此子恕先安嶽同知歷署各府州縣事所在有循聲尤善折獄能以廉明濟美至今稱簪纓巨族傳詳藝文志

龔國榜字金題乾隆三十一年進士選知山東清平縣事才識敏達疑獄皆決有能吏聲旋調補山西河津縣著績亦如治清平時未幾即致政歸

唐承中字開炳幼雋穎七歲詣父執家見案有奇書翻

宜城縣志

卷七

耆舊志

十五

閱數過問之即條舉大義無遺坐客咸訝爲神童中乾隆甲午科鄉試五策進呈

御覽歷鄖陽德安漢陽教授初任鄖陽值教匪亂解保康

軍餉賊忽乘夜入城爲畫策募勇倉卒定亂旋陞江蘇新陽知縣政紀愈肅試童子時有欲賄通關節者峻拒之解組後掌教邑書院成就後學士林多奉爲楷模

易萬里字鵬九邑楚王城人少穎異九歲能通十三經弱冠食餼益貫穿諸子史百家旁及天文地理卜筮韜畧諸書常言歲在龍蛇秦楚必亂已果白蓮匪起

時嘉慶元年也將軍恒瑞統兵來楚廉其才延爲參謀累功陞入太學

賞藍翎六品銜既而蜀匪起隨瑞入川以五路合圍議上賊大敗入秦及瑞入甘堵截又躬爲前鋒至白水江堵勦楊逆大股

加五品銜以通判用是年松筠自伊犁來見而奇之方奏請留甘陝撫又請調陝補用五六年備經川陝楚豫歷數十餘戰莫不先事豫決所向披靡八年代理甯羌州事地當兵燹之餘加意撫字得士民心爲置長生祿位牌及總督那彥成移節兩粵調署佛山廳事宜城縣志

卷七

著舊志

十六

帶紅單船一百號至洋捕盜擒殺百餘人補武郎通判委署廣甯縣事卒於官

蕭峯原名信揚字乙堂潛心典墳工舉子業中乾隆五十七年鄉試選知海澄縣事時年甫踰冠精明敏達折獄若老吏閭閻疾苦尤加意撫綏以拏獲海盜功旋調鳳山知縣在道聞計即投牒奔喪鳳山素稱饒富履任後陋規不貲人或勸使匿喪數日到任乃報者峯峻拒之解組後掌教邑書院課士暇則彈琴著書以自娛人高其品著有反切歸一學使馮譽驥稱爲韻學圭臬曾爲之序

儒行

明戴霖恩字克承嘉靖時歲貢生操行清端讀書窺奧旨一時學徒無遠近咸負笈相從充斥講席

毛諤字直甫隆慶時歲貢生選瑞昌縣訓導性狷介居官行李蕭然休致後足跡不履城市士林皆景慕之王鵬字子化麒麟弟也由司訓擢安平尹任甫暮嘆曰一介士而叨朝廷廩祿者三十餘年今又爲民牧以衰踣之年尚罄折於官司前豈不見笑於陶靖節耶遂致政人服其勇退

郭肱字英甫靈璧令綏之季子家貧嗜學竟日一舖手宜城縣志

卷七

耆舊志

七

不釋卷丙子躬緝統佐業每寒沍以敗絮抵足讀書達旦嘉靖癸卯登賢書司理惠州用法明允擢廣州別駕以老告休居官持家雅尙節儉訓戒子孫常以持盈戒滿爲兢兢

尹恂字信臣邑令尹希文裔也占籍宜城少慧聰善屬文弟恪亦賦穎姿從恂受學弟兄聯科領鄉薦有操行能文章人稱尹門雙闕

胡覲字應賓篤學力行遭疾卧床褥手不釋卷中嘉靖甲子鄉試與尹恂同科無年早歿瀕危泣抱雙親不忍舍嗚咽而卒妻彭氏以節旌

胡可格字以猶刑部右侍郎價之第三子也萬曆乙酉
舉人絕意仕進家口加數十年無隻字入公門官師觀
一面不可得

黃會極字思肇性貞介勤學每歲自履端至除夕無輟
誦停披時崇禎十五年登賢書順治二年邑令王文
禎額其門曰孝廉真品

國朝李天秀邑歲貢生修學品士林式爲模楷乾隆二年
舉孝廉方正以上推官志

龔國棟字隆吉歲貢生任監利縣訓導品行端方學問
淵博自少至老手不釋卷勤於誨士成就後學甚衆

宜城縣志

卷七

耆舊志

六

萬年慶字兆瞻邑府學歲貢生舉賓飲未就以孝友節
儉重鄉里潛心程朱之學年七十謂門弟子曰余倖
幾伊齡殊歎孟養耳壽八十卒

張炳字彪如號靖齋邑歲貢生制行修潔舌耕外未嘗
取非分財夏至無帳以紙爲之其安貧類此生平未
嘗一日廢舉子業晚年衰病猶朝夕誦聖賢不輟人
或勸之則曰余讀來生書也嘗痛遇同羅隱不能償
讀書願老猶亟赴鄉試竟以大比年沒於省垣門人
同試者扶襯歸里人皆壯其志而悲其遇

范鐸字振聲號覺齋乾隆己亥恩科舉人任蒲圻

教諭課士有法雅意作人植品端方晉接皆名流蒲
人士多愛敬之致仕歸仍理硯田舊業裁成後進晚
好咏吟著有覺齋詩集中多訓世格言

黃元吉字黼寰負質穎異博極群書過目輒成誦又才
敏瞻下筆千言立就中乾隆甲午鄉試五上公車不
第工八法尤長於草書在都下名噪一時獲其片楮
者珍若拱璧性尤嗜書每歸自京師必多載秘典故
家藏卷軸最富晚年下帷著書益肆力爲詩古文辭
有史評若二卷待梓

郝佺字步瀛生平質直敦龐言坊行表尤崇節義里黨

宜城縣志

卷七

耆舊志

十九

皆薰其德而善良工舉子業制義多爲後學楷模舉
明經進士子立功立川立椿俱有聲膠庠嘉慶初白
蓮匪亂躬率三子堵賊鐵鍊橋長子陣亡人目爲一
門忠孝

魯桂元字雲衢邑歲貢生任枝江訓導少有至性父瑾
代兄戍會昌元甫弱冠走千里省之侍年餘父沒扶
櫬歸廬於郊邑人咸哀之謂孝友萃於一門嘉慶元
年白蓮匪亂邑中紛擾元上防勦八議當事多採用
之邑以無恐後因鬻片頽弊元董率整理迄今規制
美備皆其經畫力也又自邀同志捐建六善義塾以

惠寒峻及籌措書院膏火以育人材均有益鄉黨者其任枝江也一時有經師人師之稱惟自以祿不逮養每懷退志嘗曰吾此來非爲薄祿計爲先人馳封望耳迄

誥命至遂投牒告歸家居多著述有鄖都採訪記三十卷
考核精密無愧立言

沈近陽歲貢生子以賡亦成明經進士雖無顯科然以諸生世其家且多享大年士林重之以賡年九十自壽云白首荷天恩繩祖父耄齡三世青衿沾聖澤看兒孫步武一堂蓋實錄也有顯宦偶憇爲之嗟嘆其

宜城縣志

卷七

耆舊志

二十一

盛

周輝先字蓮湖性英敏過人制藝新穎有逸思最利場屋試輒冠其曹以明經教授里中被其裁成者甚衆所著平樂堂課幼草尤堪津逮後學故門下士取芹藻如拾芥晚嗜咏吟著有揀金錄鄖蹟題要詩足備一邑典要

楊敬書字簡侯幼負雋才志氣不凡家貧恥爲吏刻苦讀書未冠補博士弟子員旋食餼年五十卽貢成均待銓三十餘年卒未與選嘗自吟曰頽齡位置總由天其素位如此衣鉢得之邑先輩萬惕齋而立品亦

似之先後邑令欽其學望多造廬願交出其門者咸
彬彬至今邑中稱講學先生曰前萬後楊

陳維字心齋邑歲貢生性情簡默下帷攻苦嘗坐一木
榻五十餘年未嘗箕踞尚樸學尤邃於春秋五傳間
輒鈔纂經史以銖積額其堂從遊門下者悉彬彬有
儒雅風友愛諸昆季老而彌篤藹怡一堂鄉里囂凌
者多化之生平儉素謹慎無錦繡綺帛之飾亦無隻
字入公門者時人高其品學咸欽佩焉

曾大勇字仁峰品端學邃幼質甚魯終日不成誦因勵
志攻苦久而豁然讀書作文了無疑義以府庠成明
宜城縣志 卷七 看舊志 二十七
經進士著有左傳分類淺解性理便讀等書一時等
輩皆欽佩之

何宏先字梅嶺恬靜簡質有古君子風環堵蕭然琴書
自樂以明經老子桂森字小山亦性情豪爽文章清
麗克嗣家學

忠孝

明馮甯邑永豐村人庠生性孝過人親逮存定省無虛
時親沒踊痛無虛日幾瀕死而復甦遂致喪明寢處
墓旁事死如生越二載日復明有司廉其孝屢請賓
飲不至鄉里愈重之 舊志

龔楚秀邑嗜義村人廩生早孤事母栢氏晨昏定省侍養三十年勿替母疾籲天求代危而獲安者三汲後哀毀幾絕舉土成墳躬親舂揔結廬墓旁朝夕哭拜有甘露靈芝之異後以歲貢授教職嘆曰吾不及以祿養而坐是勞形荒祭愧季路多矣因不就年七十二卒

舊志

龔謙邑廩生敦孝友兄弟皆年過六十不分居每歲寒食墓祭輒涕泣廢食縣舉賓席

舊志

劉紹芳邑庠生父璽江西廬陵人前妻劉氏生女一及籍宜城再娶常氏生繼芳紹芳璽卒劉氏依女為家

宜城縣志

卷七

耆舊志

三十一

紹芳兄弟往迎數四劉戀女難割既而紹芳獨往謂母曰兒履險迎養者五矣此來請以死誓頓首觸地泣劉感偕來舟行馬良山遇賊母驚垂死紹芳擁抱呼天聲震巖谷賊竟釋其質橐獲歸終養縣令雷嘉祥申詳旌獎匾其門曰孝友無間

舊志

尚履亨字元吉邑庠生篤其子職父病困床第待湯藥廢寢殮父卒哀毀骨立父葬苦處墓所環泣九日夜僵卧而死同里聞其事於上旌表建坊

舊志

劉銓字次可篤行尚義嚴取與不慕勢利不求聞達事母純孝以養志稱每晤對親友終日衣冠端坐言笑

無所苟崇禎九年舉孝廉

舊志

張文光字伯韜邑庠生爲鄱陽縣丞以廉能惠民應保薦遷泉州參軍尋因母老告養承歡娛志鄉黨稱孝儉素自奉而傾囊周急性行學守一時咸推重焉

國朝魯瑾字懷瑜邑增生性剛直蘊志節幼讀棠棣詩及論語求仁三讓章往往廢書長嘯居無何伯兄德溥以任俠禦侮逮獄讞具當遣瑾割妻孥棄子矜誣服兄罪戍贛州城旦卒配所沒齒無怨言人稱爲殉義先生子桂元由歲貢任枝江訓導別有傳

吳珍歲貢生品端學優課士必先躬行塾中每冠裳危宜城縣志

卷七

耆舊志

三三

坐盛暑不渝官保康訓導嘉慶元年白蓮匪圍城或勸之逃珍曰予雖冷宦亦食君祿平日讀聖賢書所學何事豈臨大節而竟忘耶及賊入城珍公服坐明倫堂厲聲罵賊遂被害子生員先登連登傳刃自刎死時謂忠孝萃於一門

李文苑邑庠生年八十六白蓮匪焚掠里中見其龐眉皓首叱令屈膝苑義不受辱抗罵被刃死

傅作楫邑監生劉調元武庠生嘉慶初白蓮肆逆團勇禦賊隨征陣亡享祀昭忠祠同時有監生賈璠捐資練勇偕武童張德新在牌樓岡勦賊陣亡武生劉捷

三羅樂山監生胡開太滴水崖堵賊死鍊子橋陣亡者有武生李懋官劉離東陳黼筵何金榜張映奎交生李從新監生李宗泮隨侍衛烏馬頭山陣亡者有監生徐可章增生羅鍾璧武生李彪其禦賊陣亡者板橋店有生員劉玉楷五車里有武生胡騰甲蒿子岡有廖曰江子丕先孫克恭又有生員胡寅斗年六十八家居抗賊死生員李作新罵賊不屈死謝註採嘉慶初教匪肆逆邑人敵愾同仇歿爲國殤可考者錄如右其餘入祀昭忠祠者悉從省志列於後

黃萬選 王繼武 周文魁 嚴洪義 彭文華

宣城縣志

卷七

耆舊志

二十四

賀大受 王繼文 張連芳 黃天綬 黃啓貴

彭文祿 戴世耀 吳占元 武定芳 李如林

許良全 廖受一 李作梅 康得美 李德義

陳之龍 舒爾亮 許廷貴 戴正明 朱楚旺

何萬順 李相魁 張國柱 李宗漢 李宗滇

張凝藻 周萬友 王瑞維 楊昌俊 黃汝璧

潘文柏 王直高 王國賓 王書亭 王禹亭

潘開甲 劉學瀉 李方白 何廷秀 戴學富

熊兆周 熊兆萬 趙得先 熊士璧 楊加計

王萬楨 胡學謙 李萬瞻 熊彩玉 王家朋

張士林 李明德 李明謨 鄧兆鳳

胡維仲 李祥麟 譚廷耀 趙國安 熊文林

李廷良 陳高俊 王高選 童邦彥 張永太

買必富 羅士祥 孟宗華 關朝相 章玉山

嚴日貴 嚴日光 李存旭 李存禮 閆為仲

王廷重 熊必祿 李丕信 鄭大京 張思聖

平家珍 楊德山 唐際盛 朱允瑜 胡習珍

楊崑玉 暨友華 李茂玉 許一才 胡振周

楊家相 蕭允寬 楊必成 王起良 胡文煥

張有進 何時觀 李士鐸 王在伍 黃顯祿

宣城縣志

卷七

耆舊志

三五

胡開西 胡開忠 鄒大炳 張自善 劉稷連

王興周 陳士傑 胡作柱 高維山 龐允壽

李法成 曾得成 葉白鵬 韓光三 劉相成

董輝吉 朱維珍 姜尚儒 屈維甯 屈必先

屈維朝 屈必進 陳思順 何天祥 沈文英

屈世美 龍一和 熊大才 屈有道 王一相

王家楨 秦士尚 嚴日讓 嚴日泗 周楚英

蕭永達 周楚珩 李成仁 楊世富 楊世高

熊天爵 王國建 溫得揚 張羽成 呂尚斌

王文長 張元京 張元龍 張宏黨 燕世珍

燕化龍 燕金成 燕金榮 鄒士奇 燕世璽

燕世朋 燕世玘 温金邦 石在金 林思高

邱廷緣 潘雲龍 陳玉龍 解道益 吳士友

郭維雨 熊天章 李添泰 王輔國 郭曰正

周以珍 胡世龍 沈雲開 曾得有 温相士

温德湯 舒士容 蕭汝藻 劉雲祥 陳文

萬雲 梁益 侯樹 姚倫 陳瑾 汪奎 劉元

李岱 李洵 孫純 侯芳 李鈺 劉璧 張銳

李珍 歐榜 熊元 劉悅 麗董 何信 顧羣

王旭 黃元 吳鼎 李儒 周鈞 王電 章和

宜城縣志 卷七 耆舊志 二十六

顧愷 龐執 李富 習棟 周玉 劉梅 胡傑

傅倫 熊仁 李鐸 李清 朱價 陳金 樊孝

楊燦 胡鎬 王英 王相 蔡仁 鄒愷 黃樵

陳兆 朱淮 王宣 熊昆 馮魁 張桂 余金

熊釗 屈桐 張岐 蕭岑 王堯 任信 熊鎬

彭見 彭鰲 王鎬 陳典 胡伸 燕計 燕誠

燕許 燕易 傅興 陳志 熊炳 李才 李科

蘇藩 陳信 劉海 何相 陳郎 王勉

戴成玉提標外委咸豐六年樊城勦賊陣亡

余勝林叅將同治元年追勦髮捻於河南楊橋陣亡

贈總兵銜

周宏謨字鷺廷候選通判同治五年陝西洛城陣亡奉旨著交部從優議卹

節義

宋蹇溫故字士範輕財濟急不吝千金漢水兩溢漂尸數萬溫故咸市藁葬之水後歲饑發粟數千石煮粥以賑郡守宋庠上其事朝廷徵辟不就卒夏竦為之墓表府志

彭音在楚藩典儀性仁恕樂善好施置義塚賑饑民修橋路焚負券無遠近咸義之告休家居鄉飲屢充

宜城縣志

卷七

耆舊志

二十七

賓席

舊志

李燦為省祭草歷二十二年宜大饑燦出無算粟賑濟

全活甚眾邑令梁雍贈匾嘉獎

府志

董文年二十九喪妻遺卅髻子二終身不再娶

王傳庠生年三十餘而鰥孤枕五十年邑令旌為義夫

國朝梁京實字實軒歲貢生修文行有聲鬻序撫亡兄遺

女如已出及析產膏腴咸讓嫂氏好施予於小河驛

路設茶肆以飲渴者捐棺木置義塚毅然為之書赴

鄒步鰲產生捐翰林院待詔傳詳藝文志

王鎧龍潭港鄉善也昆仲四人篤守母訓鎧以長率幼

恩義懇摯三世同居生齒甚繁食必聚處飯數無異
炊襦袴無私營長幼婦孺怡怡一堂邑令張開雪聞
而嘉嘆給匾旌獎

姚廷揆字禹宅少貧事兄克謹後稍至豐裕樂行施予
事嘗助修城垣當事獎以匾額曰枌榆保障與同志
設立六善義塾不吝多金道光壬辰大水咸鄙罹患
者數十家多方拯濟悉獲安全壽九十三卒親見五
代孫邑令劉其淵嘉之爲手書五世同堂表厥宅子
宗潔亦親見五世時其美之以上採訪記

龔照字淡遠增貢生父國梁上庠生以孝行著照亦至

宣城縣志

卷七

著舊志

二十八

性純篤鄉人有小孝子之呼嘉慶初白蓮匪亂約眾
捍禦一方賴以安全生平端方自持接物未嘗有忤
色見人善輒稱不容口而僂子蓋夫所行惟恐其知
多悔悟化爲端士時日爲嗜義先生書法迺健遂於
經學著有四書典略五經輯說

李如蘭字綺陔議叙按察司經歷工書法好義舉奉母
黃命建義塾以惠置寒並置田贍族人之無恒業者
遇歲歉常發粟施楛周濟貧困他如助修黌序及校
士館皆毅然無稍吝時人咸推重焉

姜銳弟錢代傳忠厚銳兄弟尤友愛終身不忍析箸性

樸儉生平無絀帛之飾至於施濟推解毫無難色遠近式爲義門

張秉一寶潼河人武生子英風文庠生厥初富甲一鄉後因漢江泛溢田被水啣遂至貧不舉火父子節義自持恥向親串藉貸並其媳胡氏俱閉門餓死時人憫之

耆壽附

國朝邱岫字戴斗胡相瑜之孫年十七娶妻胡氏生二子年甫二十八歲妻歿不得娶壽至百歲冰

旌典建昇平人瑞坊府志

宣城縣志

卷七

耆壽志

二十九

鄒洪道監生懷刑忍恥退讓寬厚克頤天和壽幾髦親見五世同堂乾隆六十年舉飲于叟宴

魏汝樂字善齋謙和謹慎寡言笑喜爲善族鄰有無恒業者每竭力周卹或給貲本令其謀生值歲歉出穀借貸貧乏賴以存活後亦不責其償里人德之道光元年與鄉飲賓宴時年九十精神猶矍鑠九十三歲以壽終以上採訪記

望遴字際唐性孝友好施予度量寬洪不報無道享年百八歲傳詳藝文志

吳道南字聚美勤儉起家謙和成性與人無忤色常以

戒奢後務耕讀啓後人享壽期願子孫克世其家

李茹蕙字素萼性誠篤樂施予見人疾苦多方周卹子孫多以詩書世其家年逾八十

朱如珍邑監生素性端莊不苟言笑人敬全交尤能尊禮師儒壽近大耋一鄉稱善人

李泰邑庠生家貧力學不趨榮利長精岐黃尤以濟人為心於貧家倍加體卹克享大年士林重之

黎邦興親見五世同堂家庭和順藹然可親享年九十有餘

李文燦親見五世同堂現年一百有三歲精神猶矍鑠

宜城縣志

卷七

耆舊志

三十

洵稱人瑞

補遺孝子四人

李正舉邑貧窶子事母以孝稱母得痠疾親自扶持數十年如一日巡撫胡文忠公訪得之

楊銀太善事繼母母卧疾十餘年服侍不假人常舍藥須承鶩時隆冬大雪竟剖冰得之人以為異

李開榜剖胸肉療母疾八日創即合邑令龔旌以誠孝可欽額

王友事母克盡子職

以上三人俱本年赴學呈報

寓賢

圓溜于髡者齊之贅婿也長不滿七尺滑稽多辯數使諸侯未嘗屈辱齊威王之時喜隱好爲淫樂長夜之飲沈湎不治委政卿大夫百官荒亂諸侯並侵國且危亡在於旦暮左右莫敢諫淳于髡說之以隱曰國中有大鳥止王之庭三年不蜚又不鳴王知此鳥何也王曰此鳥不飛則已一飛冲天不鳴則已一鳴驚人於是乃朝諸縣令長七十二人賞一人誅一人奮兵而出諸侯振驚皆還齊侵地威行三十六年諫後仕楚卒今縣西侯塘營有髡墓在焉

宜城縣志

卷七

耆舊志

三十一

漢杜根字伯堅潁川定陵人也性方實好直永初元年舉孝廉爲郎中時和熹鄧后臨朝權在外戚根以安帝年長宜親政事乃與同時郎上書直諫太后大怒收執根等令盛以縑囊於殿上撲殺之執法者以根知名私語行事人使不加力既而載出城外根得蘇太后使人檢視根遂詐死三日目中生蛆因得逃竄爲宜城山中酒家保積十五年酒家知其賢厚敬待之及鄧氏誅左右皆言根等之忠帝謂根已死乃下詔布告天下錄其子孫根方歸鄉里徵詣公車拜侍御史或問根曰往者遇禍天下同義知故不少何至

自苦如此根曰周旋民間非絕跡之處邂逅發露禍
及知親故不爲也順帝時稍遷濟陰太守去官還家
年七十八卒

後漢書

黃憲字叔度汝南慎陽人也世貧賤父爲牛醫潁川荀
淑至慎陽遇憲於逆旅時年十四竦然異之揖與語
移日不能去謂憲曰子吾之師表也旣而前至袁閎
所未及勞問逆曰子國有顏子寧識之乎閎曰見吾
叔度邪是時同郡戴良才高倨傲而見憲未嘗不正
容及歸罔然若有失也其母問曰汝復從牛醫兒來
邪對曰良不見叔度不自良爲不及旣覩其人則瞻

宜城縣志

卷七

耆舊志

三

之在前忽焉在後固難得而測矣同郡陳蕃周舉常
相謂曰時月之間不見黃生則鄙吝之萌復存乎心
及蕃爲三公臨朝歎曰叔度若在吾不敢先佩印綬
矣太守王龔在郡禮進賢達多所降致卒不能屈憲
郭林宗少游汝南先過袁閎不宿而退進往從憲累
日方還或曰問林宗林宗曰奉高之器譬諸汎濫雖
清而易挹叔度汪汪若干頃陂澄之不清滄之不濁
不可量也憲初舉孝廉又辟公府友人勸其仕憲亦
不拒之暫到京師而還竟無所就年四十八終天下
號曰徵君

論曰黃憲言論風旨無所傳聞然士君子見之者靡不服深遠去地各將曰道周性全無德而稱乎余曾祖穆侯曰爲憲隕然其處順淵乎其似道深淺莫臻其分清濁未議其方若及門於孔氏其殆庶乎故嘗

著論云

後漢書

唐甄濟字孟成定州無極人叔父爲幽涼二州都督家衛州宗屬以伉俠相矜濟少孤獨好學以文雅稱居青巖山十餘年遠近伏其仁環山不敢畋魚採訪使苗晉卿表之諸府五辟詔十至堅卧不起天寶十載以左拾遺召未至而安祿山入朝求濟於元宗授范

宜城縣志

卷七

耆舊志

三三

陽掌書記祿山至衛使太守鄭遵意致謁山中濟不得已爲起祿山下拜鈞禮居府中論議正直久之察祿山有反謀不可諫濟素善衛令齊玘因謁歸具告以誠密置羊血左右至夜若歐血狀陽不支昇歸舊廬祿山反使蔡希德封刀召之曰即不起斷其頭見我濟色不動左手書曰不可以行使者持刀趨前濟引頸待之希德歔歔嗟嘆止刀以實病告後慶緒復使疆輿至東都安國觀會廣平王平東都濟詣軍門上謁泣涕王爲感動肅宗詔館之三司署使汙賊官羅拜以愧其心授秘書郎或云太薄更拜太子舍人

來瑱辟爲陝西襄陽參謀拜禮部員外郎宜城楚昭
王廟塿地廣九十畝濟立墅其左瑱死屏居七年大
歷初江西節度使魏少游表爲著作郎兼侍御史卒
濟生子因其官字曰禮闈曰憲臺而禮闈死憲臺更
名逢幼而孤及長耕宜城野自力讀書不謁州縣歲
饑節用以給親里大穰則振其餘於鄉黨貧狹者朋
友有緩急輒出家貲周贍以義聞逢常以父名不得
在國史欲詣京師自言元和中袁滋表濟節行與權
臯同科宜載國史有詔贈濟秘書少監而逢與元稹
善禎
移書於史館修撰韓愈曰濟棄去祿山及其反有名

宜城縣志

卷七 耆舊志

三四

號又逼致之執不起卒不汗其名夫辨所從於居易
之時堅直操於利仁之世而猶選懦者之所不爲蓋
佛人之心難而害已之避深也至天下大亂死忠者
不必顯從亂者不必誅而眷眷本朝甘心白刃難矣
哉若甄生者弁冕不加其身祿食不進其口直布衣
一男子耳及亂則延頸受刃分死不回不以不必顯
而廢忠不以不必誅而從亂在古與今蓋百一焉愈
答曰逢能行身幸於方州大臣以標目其先人事載
之天下耳目微之天子追爵其父第四品赫然驚人
逢與其父俱當得書矣由是父子俱顯名新唐書
卓行傳

段文昌字墨卿一字景初世客荊州疏爽任義節不爲齷齪小行節度使裴胄禮之胄採古今禮要爲書數從文昌質判所疑後依劔南節度韋臯臯表爲校書郎宰相李吉甫才之擢登封尉集賢校理再遷左補闕憲宗數欲親用頗爲韋貫之苛詆偃蹇不得進貫之罷引爲翰林學士遷中書舍人遂爲承旨穆宗即位屢召入思政殿顧問率至夕乃出俄拜中書侍郎同中書門下平章事未踰年自表還政授劔南西川節度使同平章事文昌素諳蜀利病大抵治寬靜間以威斷不常任也羣蠻震服長慶二年黔中蠻叛觀

宜城縣志

卷七

耆舊志

三十五

察使崔元略以聞文昌使一介開曉蠻即引還彭濮蠻大酋蹉祿來請立石刊誓修貢獻入遷兵部尚書文宗立拜御史大夫進封鄒平郡公俄檢校尚書右僕射平章事節度淮南太和四年檢校右僕射徙帥荆南州或旱禱解必雨或久雨遇出游必霽民爲語曰旱不苦禱而雨雨不愁公出游南詔襲南安帝以文昌得蠻夷心詔使下檄尉讓即日解而去復節度

西川九年卒贈太尉

新唐書